

Morning Dogri (NSD) National News Bulletin 09-12-2024

आकाशवाणी

- 1 राइजिंग राजस्थान कुलसंसारी निवेश शिखर सम्मेलन जयपुर च शुरू। प्रधानमंत्री नरेन्द्र मोदी होरें उद्घाटनी भाषण देंगन।
- 2 प्रधानमंत्री नरेन्द्र मोदी होर 18एं थमां 70एं ब'रे दी महिलाएं गी बाख्तेआर बनाने लेई बीमा सखी योजना गी शुरू करगन।
- 3 भारतीय विदेश सचिव होर बंगलादेश दे दौरे पर रवाना होंगन जेहड़ा शेख हसीना दे सत्ता थमां हटने मगरा पैहला उच्च भारतीय दौरा ऐ।
- 4 रक्षा मंत्री राजनाथ सिंह होर रूस च आईएनएस तुशील गी भारतीय नौसेना च शामिल करगन।
- 5 सिरीया दे साबका राष्ट्रपति बशर-अल-असद ते उंदे परोआर गी रूस ने शरण देई दित्ती ऐ।
- 6 जूनियर महिला हॉकी प्रतियोगिता च भारत नै बंगलादेश गी 13-1 कन्नै हराई दित्ता।

<><><><><><><>

PM-Rajasthan

प्रधानमंत्री नरेन्द्र मोदी राजस्थातन दे जयपुर च राजस्थान वैश्विक निवेश सम्मेलन-2024 दा उद्घाटन करडन। प्रधानमंत्री जयपुर दे प्रदर्शनी ते सम्मेलन केंद्र च आयोजित त्रै दिन दे सम्मेलन दे उद्घाटन सत्र गी सम्बोधित करडन। राजस्थादन द मुख्यमंत्री भजन लाल शर्मा ते केंद्रीय ते राज्य मंत्रिमंडल दे केई सदस्यल इस मौके पर मौजूद रौडन। 5 हजार सोयां मते वाणिज्य ते व्यापार प्रतिनिधि, राजनयिक ते निवेशक, प्रतिनिधि ते होर दुए प्रतिभागी इस निवेश सम्मेलन च हिस्सा लडन। सम्मेलन सोयां पैहले 30 लख करोड रूपे मूल दे निवेश प्रस्तावें आस्तै समझौता ज्ञापन पर दस्तखत कीते गए। निवेश सम्मेलन च 32 देशें दे प्रतिनिधि हिस्सा लै र दे न। इस था 17 प्रतिनिधि भयाल मुख्य थे न।

<><><><><><>

PM-BIMA

प्रधानमंत्री नरेन्द्र मोदी होर अज्ज हरियाणा दे पानीपत च एलआईसी दी बीमा सखी योजना दी शुरूआत करगन। एहदा मकसद महिलाएं च माली साक्षरता ते बीमा जागरूकता गी बढ़ावा देना ऐ। भारत दी जीवन बीमा निगम एलआईसी दी एह पैहल 10मीं पास 18 थमां 70 बरें दी महिलाएं गी सशक्त बनाने आस्तै शुरू कीती गई ऐ। उनें गी खास सिखलाई ते पैहले त्रऊं बरें आस्तै भत्ता राशि दित्ती जाग। इस मौके पर मोदी होरें संभावित बीमा सखिएं गी नियुक्ति प्रमाण पत्र बी बंडगन। प्रधानमंत्री होर महाराणा प्रताप बागवाणी विश्वविद्यालय करनाल दे मुख् परिसर दा नीह पत्थर रक्खगन। 495 एकड़ च फैले दे मुख् परिसर ते 6 क्षेत्रीय अनुसंधान केन्द्र दे निर्माण च 7 करोड़ रपे थमां मती दी लागत औग।

<><><><><><>

Foreign Secretary

विदेश सचिव विक्रम मिसरी होर अज्ज बंगलादेश दी यात्रा पर रवाना होआरदे न। शेख हसीना होरें गी बंगलादेश दी सत्ता थमां हटाने मगरा ते एह फैसला उच्च स्तरीय दौरा होग। विदेश मंत्रालय दे प्रवक्ता रणधीर जयसवाल होरें दस्सेआ जे विदेश सचिव ढाका च विदेश कार्यालय परामर्श दे तैह्त् इक बैठक च हिस्सा लैंगन। मिसरी हुंदी एह यात्रा बंगलादेश च हिंदुएं सनें होर दुए अल्पसंख्यकें पर हमले गी लेइयै दौनें मुख् बश्कार बधादे तनाह दे दरान होआरदी ऐ। उनें हिंदू संत चिन्मये कृष्ण दास दी गिरफ्तारी पर आखेआ जे भारत उस मामले च निरपक्ख, न्यायसंगत ते पारदर्शी न्याह प्रक्रिया दी मेद करदा ऐ।

<><><><><><>

Vice-President

उप-राष्ट्रपति जगदीप धनखड होरें आखेआ जे भगवद्गीता समूलची दुनिया दा मार्गदर्शन करा र दी ऐ। उने सब्बनें गी भगवद्गीता दा सार, सकारात्मक सोच ते आपसी भाईचारे दा समझने आस्तै प्रेरित कीता। उपराष्ट्रपति होरें अंतर्राष्ट्री य गीता महोत्सव दे मौके पर कुरुक्षेत्र दे गीता ज्ञान संस्थान च आयोजित इक कार्यक्रम च एह गल्ल आखी। भगवद्गीता दे 5 महत्वपूर्ण सिद्धांतें दा जिक्र करदे होई उपराष्ट्रपति होरें आखेआ जे एह सिद्धांत

सामाजिक व्यवस्था, शांति, विकास, भाईचारा, प्रगति ते खुशी आस्तै जरूरी न। उपराष्ट्रपति होरें आक्खेआ जे भारत पिच्छले 10 बरे च अभूतपूर्व आर्थिक प्रगति ते संस्थाछगत विकास दा साक्षी रेआ ऐ। हुन भारत, इक विकसित राष्ट्र बनने दी बत्ता पर अग्रे बढा र दा ऐ। उने आक्खेआ जे इक विकसित भारत हुन कोई सुखना नेई ऐ सगुआं इक लक्ष्य ऐ ते इसी हासिल करने आस्तै असें गी अर्जुन आला लेखा एकाग्रता ते इच्छैशक्ति अपनानी होग। उपराष्ट्रपति धनखड होरें ब्रह्म सरोवर पुरुषोत्तम बाग दी राज्य स्तरीय प्रदर्शनी बी दिखी ते अपनी मां दे चेते च इक बूढ़ा बी लाया।

<><><><><><>

Rajnath-Russia

रक्षा मंत्री राजनाथ सिंह होर रूस च आईएनएस तुशील गी भारतीय नौसेना च शामिल करगंन। इस मौके उपर नौसेना दे अध्यक्ष एडमिरल दिनेश के.त्रिपाठी होर बी मजूद होंगन। रक्षा मंत्री राजनाथ सिंह होर त्रऊं दिनें दे लेई कल मास्को पुज्जे हे। राजनाथ सिंह ते रूस दे रक्षा मंत्री आंद्रेबेलोसोव होर कल फौजी ते तकनीकी साथ सहयोग बारे भारत रूस अंतर सरकारी कमीशन दी 21मीं बैठक दी सह'अध्यक्षता करगंन। दौनें मंत्री भारत ते रूस बश्कार फौज ते उद्योग सनें पूरे पराते रक्षा क्षेत्र च साथ सहयोग दा जायजा लेंगन। दौनें लीडर आपसी हितें आले इलाकाई ते कुल संसारी मसलें पर बी चर्चा करडन। रक्षा मंत्री होर विश्व युद्ध 2 दे दरान मारे गेदे रूसी सिपाईएं दे सम्मान च बनाए गेदे द टॉब ऑफ द अननोन सोल्जर्स च जवानें गी श्रद्धांजलि बी देडन। मगरा ओह रूस च भारती समुदाय दे लोकें कन्नै बी गल्लबात करडन।

<><><><><><>

Syria-President

सीरिया दे साबका राष्ट्रपति बशर अल असद ते उंदा परोआर कल मध्य एशिया सवां रवाना होइयै रूस पुज्जा जित्थे उनें'गी शरण थोई गई। रूस दे समाचार माध्यमें क्रेमलिन दे सूतरे दा हवाला दिंदे होई खबर दित्ती ऐ जे असद ते उंदे परोआर गी मनुक्खी आधार उपर रूस च शरण देई दित्ती गई ऐ। सीरिया दा भ्याल रूस संयुक्त राष्ट्र दी निगरानी च सिरिया च बने दे हालात उपर गल्लबात करने लेई तैयार ऐ। एहदे शा पैहले सीरिया दी विद्रोही फौज आसेआ मुल्खै दी राजधानी गी अपने कब्जे च लेई लैने मगरा राष्ट्रपति असद होर अपना

औहद्धा छोड़दे होई मुख्य थमां रूस रवाना होई गे। विद्रोही फौज नै किश गै दिनें च सीरिया दे मुख्य—मुख्य शैहरें गी अपने नियंत्रण च लेई लैता ऐ। सीरिया दे प्रधानमंत्री मोहम्मद गाजी अल जलाली होरें सीरिया दे लोकें आसेआ चुने गेदे कुसै बी लीडर कन्नै सैहयोग दी मंशा जाहर कीती ऐ।

<><><><><><>

Jitin-IIGF

इलेक्ट्रॉनिकी ते सूचना प्रौद्योगिकी राज्य मंत्री जितिन प्रसाद होरे नमी दिल्ली च भारत इंटरनेट गवर्नेस फोरम दे चौथे संस्करण दी शुरुआत करडन। दो दिन दा कार्यक्रम डिजिटल अंतराल दूर करने, ऑनलाइन वातावरण च विश्वास ते सुरक्षा बदाने ते राष्ट्र निर्माण आस्तै उन्नत तकनीकें दा लाह ठोआने पर केंद्रित होग। एह सुरक्षित, समावेशी ते नैतिक तौर पर, गवर्नेस च इंटरनेट दी आवश्यकता पर बी जोर देग। कार्यक्रम दा विषे सार ऐ “भारत आस्तै इंटरनेट गवर्नेस च नवाचार”।

<><><><><><>

Hockey

ओमान दी मस्कट थाहर खेड़डी जा'रदी जूनियर महिला हॉकी प्रतियोगिता च भारत नै बंगलादेश गी 13—1 कन्नै हराई दित्ता। भारत दी तरफा मुमताज खान नै 4, कानिका ते दीपिका नै 3—3 गोल कीते। भारत दा अगला मकाबला मलेशिया कन्नै होग। मलेशिया गी हराने पर भारत अगले बरै चिल्ली दी सैंटियागो थाहर होने आहली जूनियर विश्वकप प्रतियोगिता गितै सिद्धे क्वालीफाई करी लैग।

<><><><><><>

Chess

सिंगापुर च एफआईडीई विश्व शतरंज प्रतियोगिता च कल भारत दे डी.गुकेश नै चीन दे मजूदा विश्व चैंपियन लिंग लिरेन गी 11मीं बाजी च हराइयै प्रतियोगिता च 6—5 दी बढ़त बनाई लैती ऐ। 7 झा मगरा इस जित्त कन्नै गुकेश शतरंज दे इतिहास च सब्बने थमां घट्ट उमरी दे विश्व चैंपियन बनने दे करीब पुज्जी गे न। प्रतियोगिता च हुन त्रै मकाबले बचे दे न। 12मीं बाजी अज्ज दपैहरी ढाई बजे थमां खेड़डी जाग।